



Sujevjerje je širk, sujevjerje je širk, sujevjerje je širk", tri puta. Zatim je kazao: "Svakoga od nas to zadesi, ali Allah to odagnava od čovjeka putem oslanjanja na Njega

Od Abdullaха ibn Mes'uda, radijallahu anhu, prenosi se da je Allahov Poslanik, sallallahu alejhi ve sellem, rekao: "Sujevjerje je širk, sujevjerje je širk, sujevjerje je širk", tri puta. Zatim je kazao: "Svakoga od nas to zadesi, ali Allah to odagnava od čovjeka putem oslanjanja na Njega."

[Vjerodostojan]

Allahov Poslanik, sallallahu alejhi ve sellem, nas je upozorio na sujevjerje uopćeno, bilo to nešto što se čuje ili vidi, ili utvrdi putem brojeva, dana, životinja i tome slično - sve je to zabranjeno. Sujevjerje (ar. tijere) dolazi od riječi tajr što znači ptica. Iako sujevjerje obuhvata i druge predmete i stvari zbog kojih je neko sujevjeran, arapski izraz potiče od riječi ptica jer je kod predislamskih Arapa bilo prošireno sujevjerje koje se zasnivalo na pticama. Naime, Arap bi pustio pticu da poleti kada bi htio prionuti na neki zadatak, putovanje, trgovinu i tako dalje. Ukoliko bi ptica poletjela udesno, čovjek bi to smatrao dobrom znakom i krenuo bi da izvrši zadani cilj. No, ako bi poletjela uljevo, suzdržao bi se od onoga što je namjeravao. U ovom hadisu, Poslanik je okarakterizirao sujevjerje kao širk s obzirom da niko ne može obezbijediti dobro, niti otkloniti зло izuzev Allaha. Ibn Mes'ud se nadovezao kazavši da se svakom muslimanu može desiti da osjeti sujevjerje. No, dužan je da se tome odupre oslanjanjem na Allaha i činjenjem onoga što je u njegovoj moći.

<https://sunnah.global/hadeeth/bs/show/3383>